

RD 5 - Sumariu Relatoriu MDG

Timor-Leste nian Progresu iha MDG

Yellow Road Workshop

Dili, 23 Maiu 2013

Prepara husi Felix Piedade

1. Introdusaun kona ba MDG

Chefe Estadu husi 189 nasoens hasoru malu iha Nova Yorke iha tinan 2000 no konkorda para atu halo komitmentu ida nebé maka hanaran “Deklarasaun Millenium”. Deklarasaun Millenium mai ho objektivu principal 8 nebé maka hanesan tuir mai ne’e:

1. Halakon Kiak no Hamlaha
2. Atinji Edukasaun Primaria
3. Promove Igualidade Jeneru no Haforsa Feto nian Kbit
4. Redus Mortalidade ba Labarik
5. Hadia Saude Inan nian
6. Kombate moras nebé daet: HIV, Malaria no TB
7. Asegura Ambienti nebé Sustentavel
8. Dezenvolve Parseiru Global

Maski Timor-Leste sei hanesan nasaun foun, ita nian Primeiru Ministru Aktual, Kay Rala Xanana Gusmao mos partisipa iha enkontru ne’e hanesan observador.

Iha sorumutuk ne’e, Chefe Estadu sira mos konkorda para atu atinji objektivu sira ne’e iha tinan 2015. Iha kada tinan ou tinan 2, Chefe Estadu ida-ida tenki mai iha Asembleia Jeral Nasoens Unidas nian iha Nova Yorke atu bele relata kona ba nasaun ida-ida nian progresu no dezafius nebé hasoru ba iha objektivu 8 ne’e. Relatorio nasaun nian progresu bazea ba indikadores 60 nebé maka identifika ona kedas depois de enkontru ne’e. Timor-Leste nudar nasaun foun, ita mos adere ona ba MDG iha tinan 2002.

Depois de tinan hira lao tia, relatorio husi nasaun hotu iha mundu hatudu katak progresu balun halo ona maibe se iha dezafius lubuk ida nebé maka hasoru. Susesu no dezafius jeral nebé maka identifika iha tinan 2012 hanesan tuir mai ne’e:

Susesu Jeral iha Mundu:

- Numeru husi ema nebé iha kiak komesa menus se kompara ba iha tinan 1990.
- Kuazu besik ema biliaun 2 maka hetan ona asesu ba be hemu.
- Ema nebé hela iha uma la iha kondisaun diak (Perkumuhan) iha sidade komesa menus.

RD 5 - Sumariu Relatoriu MDG

Timor-Leste nian Progresu iha MDG

Dezafius Jeral iha Mundu:

- Hamutuk 1.5 billion (20%) husi populasaun mundu nian maka sei moris iha Kiak
- Iha kada minu, labarik 15 mak mate
- Feto no joven barak maka sofre tamba hamlaha.
- Populasaun mundu nian sei aumenta ba to iha 9.5 billiaun iha 2050.
- Hahan sei bele menus.
- Mudansa klimatika nebé ameasa ema barak nian moris no dezenvolvimentu nasaun.
- Disegualidde nebé makas iha fatin hotu-hotu
- Direitus humanus ladun hetan atensaun iha nasaun sira nebé frajil no konflitu
- Ekonomia mundu nian kontinua atu fraku.

2. Timor-Leste nian Progresu iha MDG

Timor-Leste nian relatorio ikus nebé maka apresenta ba iha enkontru Asembleia Jeral Nasoens Unidas nian iha Nova Yorke nian maka iha tinan 2010. Ita nian progresu apresenta direita husi eis Presidenti Republika, Sr. Jose Ramo Horta. Sumariu husi Timor-Leste nian progresu maka hanesan tuir mai ne'e:

Susesu iha Timor-Leste

- Numeru mortalidade/mate ba bebe sira komesa menus
- Numeru mortalidade/mate ba labarik sira tinan 5 ba kraik mos komesa menus
- Tratamentu ba moras Tuberkulosa komesa hetan susesu

Dezafius iha Timor-Leste

- Numeru ema Kiak nebé maka sei barak
- Labarik nebé kompleta eskola primaria mos menus
- Bebe nebé pezo (todan) la to sei barak
- Inan sira barak maka sei mate tamba isin rua no partus.
- Numeru ema moras HIV komesa aumenta
- Ema barak seidauk hetan asesu ba be hemu nebé mos
- Ema barak seidauk hetan asesu ba fasilidade saneamentu nebé diak

Rekomendasaun

Baseia ba susesu no dezafius nebé ita hetan, iha mos rekomendasaun balun para atu hadia ita nian progresu iha MDG nian:

RD 5 - Sumariu Relatoriu MDG

Timor-Leste nian Progresu iha MDG

- Redusaun Povereza
 1. Kriasaun Kampo Servisu – ba tempo naruk nian no kontinua
 2. Kria ambienti nebé diak ba Sektor Privadu atu bele mai investa
- Hadia Atinjimentu iha Edukasaun
 1. Sosializa Politika Edukasaun kona edukasaun obrigatorio no gratuita
 2. Promove involvmentu inan-aman nian iha prosesu & dezvoltamentu edukasaun
 3. Hasae kualidade edukasaun – Profesores
 4. Fornese Infrastrutura baziku no ekipamentu nesesariu ba Eskola
- Mantein Feto nian prezensa iha Parlamento
 1. Mantein ou aumenta tan representasaun feto iha lista ba iha Parlamentu
 2. Promove feto sira nian partisipasaun no lideransa iha Parlamentu
- Fornese atendimentu nebé diak ba be mos no facilidade saneamentu
 1. Fornese be mos ba comunidade nebé la hetan asesu
 2. Hasae konhesimentu kona ba uza facilidade saneamentu nebé diak no mos estabele facilidade saneamentu iha fatin publiku
 3. Hasae konhesimentu kona ba importansia husi kuidadu ba sistema instalasaun be mos no facilidade saneamentu
- Fornese atendimentu nebé diak atu hasae populasaun nian asesu ba telekomunikasaun
 1. Regula kompanhia telekomunikasaun nebé iha rai laran atu bele fornese servicos nebé efisien no efikas.
- Hadia Saude Povu nian
 1. Hasae konhesimentu kona ba prepara ai-han nebé ho nutrisaun diak no mos praktika fo han
 2. Hasae Konhesimentu kona ba moras daet: HIV, Malaria & TB
 3. Aumenta pesoal teknika saude no sentru saude liu-liu ba iha area remotas atu bele fornese assistensia saude (hanesan ba partus, tratamentu antes partus, imunizasaun no seluk tan)
- Fo atensaun ba area Protejida – Floresta
 1. Haforsa politika reflorestasaun nian – asegura sustentabilidade husi floresta: liu-liu tesi ai no sunu ailaran
 2. Hasae konhesimentu povu nian kona ba importansia husi floresta no mos identifika alternativa ba povu nian prekupasaun